



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Na osnovu člana člana 69. stav 2. tačka d) i 70. stav 1. 4. i 6. Zakona o javnim nabavkama („Službeni glasnik BiH“, broj 39/14, 59/22, 50/24), i Rješenja Ureda za razmatranje žalbi broj: JN2-01-07-1-1687-8/25 od 20.11.2025. godine, u otvorenom postupku za izgradnju saobraćajnice u poslovno – rekreativno – turističkoj zoni Zenica Jug – II faza, Gradonačelnik donosi:

ODLUKU
o poništenju postupka javne nabavke

Član 1.

Poništava se otvoreni postupak za izgradnju saobraćajnice u poslovno – rekreativno – turističkoj zoni Zenica Jug – II faza, iz razloga što nijedna zaprimljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama.

Stavlja se van snage Odluka o izboru najpovoljnijeg ponuđača broj: 02-11-15611-2/25 od 26.09.2025. godine.

Član 2.

Za izvršenje ove odluke zadužuje se i ovlašćuje Služba kabineta Gradonačelnika.

Član 3.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-15611/25 od 28.07.2025. godine. Obavještenje o nabavci broj: 1355-1-3-102-3-147/25 objavljeno je na Portalu javnih nabavki dana 30.07.2025. godine, kao i u Službenom glasniku BiH broj: 48/25 od 08.08.2025. godine.

Procijenjena vrijednost za predmetnu nabavku iznosila je 3.282.000,00 KM bez PDV-a.

Po provedenom otvorenom postupku za izgradnju saobraćajnice u poslovno – rekreativno – turističkoj zoni Zenica Jug – II faza, zaprimljene su ponude sljedećih ponuđača:

1. „MGV GRADNJA“ d.o.o. Zavidovići
2. „STRUKTURA“ d.o.o. Jajce
3. Konzorcij „ŠPIC BETON“ d.o.o. Zenica i „ADO TRANS“ d.o.o. Visoko
4. „DOBOJPUTEVI“ d.d. Doboj Jug
5. Konzorcij „ALMY“ d.o.o. Zenica i PD „KOMGRAD-ZE“ d.o.o. Zenica

Analizirajući žalbe zaprimljene 06.10.2025. godine od Konzorcij ŠPIC BETON d.o.o. Zenica i ADO-TRANS d.o.o. Visoko, te žalba Konzorcija ALMY d.o.o. Zenica i PD „KOMGRAD-ZE“ d.o.o. Zenica, te postupajući prema uputama iz Rješenja URŽ broj: JN2-01-07-1-1687-8/25 od 20.11.2025. godine ponude ne ispunjavaju uslove iz sljedećih razloga:



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Ponuda ponuđača „**MGV GRADNJA**“ d.o.o. **Zavidovići** ne ispunjava uslove iz tenderske dokumentacije i ista se odbacuje u skladu sa čl. 68 stav 4) tačka i) ZJN iz sljedećih razloga:

- Ponuđač nije dostavio dokaz o posjedovanju rovokopača do 1m³
- Iz upotrebnih dozvola dostavljenih na stranicama 71., 72., 73., 74., ponude ne može se utvrditi da navedeni rovokopači su rovokopači sa dubinskom kašikom
- Iz upotrebne dozvole dostavljene na strani 89. ponude ne može se utvrditi snaga motora za mašinu skip-rovokopač, a koja je propisana tenderskom dokumentacijom (70kw)
- Ponuđač je dostavio dokaze za posjedovanje 19 kamiona, pri čemu 14 kamiona ispunjavaju propisane uslove, dok 5 ne ispunjava uslove iz sljedećih razloga: iz saobraćajne dozvole na strani 94. se ne može utvrditi traženi kapacitet, dok iz saobraćajnih dozvola na stranama 99., 100., 103., 104., se ne može utvrditi da se radi o kiperu, niti se može utvrditi kapacitet istog.
- Iz upotrebne dozvole dostavljene na strani 114. ponude ne može se utvrditi da se radi o valjku sa gumama kako je zahtjevano tenderskom dokumentacijom
- Iz upotrebne dozvole dostavljene na strani 115. ponude ne može se utvrditi da se radi o kombinovanom valjku
- Ponuđač je dostavio dokaz za jedan finišer, dok su tenderskom dokumentacijom tražena 2 finišera, a što se može utvrditi iz Izvještaja o pitanjima i odgovorima u vezi sa tenderskom dokumentacijom (Odgovor na pitanje pod rednim brojem 14. od 04.09.2025. godine u 08:48 sati)
- Iz upotrebnih dozvola na stranama 120. i 121. ponude ne može se utvrditi da se radi o kombinovanim valjcima kako je traženo tenderskom dokumentacijom.

Ponuda ponuđača „**STRUKTURA**“ d.o.o. **Jajce** ne ispunjava uslove iz tenderske dokumentacije i ista se odbacuje u skladu sa čl. 68 stav 4) tačka i) ZJN iz sljedećih razloga:

- Na upotrebnim dozvolama dostavljenim na stranama 56., 57., ne može se utvrditi koji je kapacitet kašike
- Na upotrebnim dozvolama na stranama 56., 58., 59., evidentno je da se radi o radnom stroju bageru – gusjeničaru, a ne o rovokopačima kako je zahtjevano tenderskom dokumentacijom
- Ponuđač u svojoj ponudi nije dokazao da ima 2 komada rovokopača kapaciteta do 1m³
- Ponuđač je na strani 70. ponude dostavio kopiju saobraćajne dozvole za radnu mašinu – bager buldožer, koju je naveo i u Ugovoru na strani 136. ponude pri čemu je pod rednim brojem 8. za istu mašinu napisao da se radi o univerzalnoj kombinovanoj mašini kapaciteta 82kw, a što nije u skladu sa dostavljenom saobraćajnom dozvolom. Ponuđač na ovaj način nije dokazao da posjeduje univerzalnu kombinovanu mašinu preko 70kw kako je zahtjevano tenderskom dokumentacijom.
- Na stranama 118. i 119. ponude dostavljene su upotrebne dozvole za vibro valjak, a ne kombinovani valjak kako je zahtjevano tenderskom dokumentacijom, iako je u Ugovoru na strani 136. naveo da se radi o kombinovanom valjku, a što se ne da zaključiti iz upotrebnih dozvola.
- Na stranama 120., 125., 128., ponuđač je dostavio Upotrebne dozvole čiji je rok važenja istekao prije momenta dostavljanja ponuda.

TRG BIH 6 | 72000 ZENICA

TELEFON 032 447 700 | TELEFON 032 447 775 - KABINET GRADONAČELNIKA | FAX 032 447 776

www.zenica.ba



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

- Na stranama 125. i 127. ponude dostavljene su Upotrebne dozvole iz kojih se ne može utvrditi da se radi o kombinovanom valjku kako je zahtijevano tenderskom dokumentacijom.

Ponuda ponuđača **Konzorcij „ŠPIC BETON“ d.o.o. Zenica i „ADO-TRANS“ d.o.o. Visoko** ne ispunjava uslove iz tenderske dokumentacije i ista se odbacuje u skladu sa čl. 68 stav 4) tačka i) ZJN iz sljedećih razloga:

- Tenderskom dokumentacijom zahtijevano je da ponuđač ima na raspolaganju 15 kamiona kiperu sa četiri osovine kapaciteta 32 tone ili 13m³, pri čemu se iz ponude ponuđača da zaključiti da na str. 109., 111., 113., su dostavljeni kamioni manjeg kapaciteta od zahtjevanog,
- Upotrebna dozvola dostavljena na strani 123. ponude ne može se dovesti u vezu sa Saobraćajnom dozvolom dostavljenoj na strani 122. ponude, a iz Saobraćajne dozvole se ne može utvrditi da se radi o kamionu kiperu.
- Saobraćajna dozvola dostavljena na strani 109. ponude je istekla dana 22.08.2025. godine.
- Iz ugovora dostavljenog na strani 77. ponude, zaključenog sa Trgošped d.o.o. Kakanj, ne može se utvrditi kapacitet navedenih kamiona kiperu
- Ponuđač je dostavio dokaz za jedan finišer, dok su tenderskom dokumentacijom tražena 2 finišera, a što se može utvrditi iz Izvještaja o pitanjima i odgovorima u vezi sa tenderskom dokumentacijom (Odgovor na pitanje pod rednim brojem 14. od 04.09.2025. godine u 08:48 sati).

Ponuda ponuđača **„DOBOJPUTEVI“ d.d. Doboj Jug** ne ispunjava uslove iz tenderske dokumentacije i ista se odbacuje u skladu sa čl. 68 stav 4) tačka i) ZJN iz sljedećih razloga:

- Iz upotrebni dozvola na stranama 46., 47., 48., 49., ponude dostavljene su upotrebne dozvole za radnu mašinu – rovokopač iz kojih se ne može utvrditi kapacitet kašike,
- Iz upotrebni dozvola dostavljenih na stranama 51., 52., 53., ponude ne može se utvrditi da ponuđene mašine posjeduju dubinsku kašiku,
- Na strani 60. ponude dostavljena je Upotrebna dozvola za utovarivač, pri čemu se ne može utvrditi kapacitet od 2,5m³ kako je zahtijevano tenderskom dokumentacijom
- Na strani 61. ponude dostavljena je Upotrebna dozvola za utovarivač, pri čemu se ne može utvrditi kapacitet preko 2,5m³ kako je zahtijevano tenderskom dokumentacijom
- Na strani 66. ponude dostavljena je Saobraćajna dozvola za N3 – teretno vozilo promjenjive nadgradnje, iz koje se ne može zaključiti da se radi o kiperu
- Na strani 71. ponude dostavljena je Saobraćajna dozvola za N3 – teretno vozilo izmjenjive nadgradnje, iz koje se ne može zaključiti da se radi o kiperu
- Na strani 102. ponude ponuđač je dostavio Izjavu o tehničkim objektima (kamenolom) u kojoj izjavljuje da će koristiti kamenolome u vlasništvu drugih pravnih lica, pri čemu nije dostavio relevantni dokaz koji potvrđuje tu Izjavu poput Ugovora o korištenju i sl.
- Upotrebna dozvola za valjak dostavljena na strani 85. ponude je istekla



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Ponuda ponuđača **Konzorcij „ALMY“ d.o.o. Zenica i PD „KOMGRAD-ZE“ d.o.o. Zenica** ne ispunjava uslove iz tenderske dokumentacije i ista se odbacuje u skladu sa čl. 68 stav 4) tačka i) ZJN iz sljedećih razloga:

- Upotrebna dozvola za bager gusjeničar dostavljena na strani 191. ponude je istekla
- Iz upotrebni dozvola dostavljenih na stranama 195., 197., 199., 201., se ne može utvrditi da iste posjeduju dubinsku kašiu kako je zahtjevano tenderskom dokumentacijom,
- Upotrebna dozvola za buldozer dostavljena na strani 207. ponude je istekla
- Iz upotrebne dozvole dostavljene na strani 215. ponude ne može se utvrditi da se odnosi na utovarivač min. Kapaciteta do 2,5kw kako je zahtjevano tenderskom dokumentacijom
- Na strani 221. ponude dostavljena je saobraćajna dozvola za radnu mašinu – višenamjensku (skip) jačine 67kw, a što nije u skladu sa postavljenim uslovom u tenderskoj dokumentaciji odnosno minimalne jačine 70kw
- Na strani 223. ponude dostavljena je saobraćajna dozvola za bager buldožer, dok je tenderskom dokumentacijom zahtjevana univerzalna kombinovana mašina
- Na strani 285. ponude dostavljena je Upotrebna dozvola za vibro valjak, dok je tenderskom dokumentacijom zahtjevan valjak sa gumama
- Iz dostavljenih upotrebni dozvola na stranama 287., 289., 299., 301., ne može se utvrditi da se radi o kombinovanim valjcima kako je zahtjevano tenderskom dokumentacijom
- Ponuđač je u svojoj ponudi dostavio Izjavu o korištenju kamenoloma krečnjačkog porijekla na lokaciji Kamenolom, Crkvice, pri čemu nije dostavio dokaz o posjedovanju ili korištenju pomenutog kamenloma (Rješenje ili drugi dokument)

S obzirom na navedeno, Ugovorni organ poništava postupak javne nabavke u skladu sa članom 69. stav 2. tačka d) Zakona o javnim nabavkama.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi, putem Ugovornog organa: Grad Zenica, Služba za zajedničke poslove, Trg BiH 6, 72 000 Zenica, u roku od 10 (deset) dana od dana prijema Odluke.

Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu.

Žalba se podnosi neposredno Ugovornom organu u pisanoj formi.

Broj: 02-11-15611-4/25

Datum: 10.12.2025. godine

DOSTAVLJENO :

5 x Ponuđači

1 x Služba za zajedničke poslove

1 x Tenderska dokumentacija

1 x a/a



GRADONAČELNIK:

Fuad Kasumović

TRG BIH 6 | 72000 ZENICA

TELEFON 032 447 700 | TELEFON 032 447 775 - KABINET GRADONAČELNIKA | FAX 032 447 776

www.zenica.ba